

**REGLUGERÐ**

um breyting á reglugerð nr. 532 23. desember 1975, um aukatekjur ríkissjóðs.

**1. gr.**

Við 3. gr. reglugerðarinnar bætast tveir nýir töluliðir er verði 30. og 31. töluliður og orðist svo:

30. Skráning og umskráning beltabifhjóla kr. 1 000.00.

31. Skráning eigendaskipta að beltabifhjóli kr. 1 000.00.

**2. gr.**

Reglugerð þessi sem sett er skv. heimild í lögum um aukatekjur ríkissjóðs nr. 79 23. desember 1975 öðlast gildi þegar í stað.

*Fjármálaráðuneytið, 17. september 1976.*

**Matthías Á. Mathiesen.**

*Þorsteinn Geirsson.*

Nr. 377.

15. október 1976.

Staðfesting forsetans á skipulagsskrá fyrir Styrktar- og húsbýggingarsjóð Leikfélags Kópavogs, útgefin á venjulegan hátt að mandatum af dómsmálaráðherra 15. október 1976.

Skipulagsskráin er þannig:

**SKIPULAGSSKRÁ**

fyrir Styrktar- og húsbýggingarsjóð Leikfélags Kópavogs.

**1. gr.**

Sjóðurinn heitir: Styrktar- og húsbýggingarsjóður L. K.

**2. gr.**

Stofnfé sjóðsins eru kr. 100 000.00. Höfuðstól sjóðsins má aldrei skerða.

**3. gr.**

Tekjur sjóðsins eru vaxtatekjur af stofnfé og öðru fé sem sjóðnum kann að áskotnast, gjafafé, hagnaður af leiksýningum, sem sýndar eru á vegum sjóðsins. Af árlegum nettótekjum sjóðsins skal ávallt leggja eigi minna en 10% af tekjum við höfuðstól.

**4. gr.**

Tilgangur sjóðsins er að veita efnilegum leikurum, leikstjórum og leiktækni-mönnum styrki til framhaldsmenntunar, veita fé til húsbýggingar fyrir starfsemi félagsins, svo og nauðsynlegra tækjakaupa í því sambandi.

**5. gr.**

Stjórn sjóðsins skipa þrír menn, þar af tveir tilnefndir af Leikfélagi Kópavogs og einn af bæjarstjórn Kópavogs. Störf í þágu sjóðsins eru ólaunuð.

## 6. gr.

Sjóðstjórn semur reikninga árlega og skulu þeir lagðir fyrir aðalfund Leikfélags Kópavogs til samþykktar, eftir að endurskoðendur félagsins hafa yfirfarið þá.

## 7. gr.

Reikningsárið er almanaksárið.

## 8. gr.

Hætti Leikfélag Kópavogs starfsemi sinni, skal afhenda bæjarsjóði Kópavogs sjóðinn til vörslu, þar til félagið verður endurreist eða hliðstætt félag stofnað.

## 9. gr.

Engu má breyta í skipulagsskrá þessari.  
Leita skal staðfestingar á henni.

**REGLUGERÐ****um hækkun bóta almannatrygginga.**

## 1. gr.

Upphæðir bóta almannatrygginga samkvæmt lögum um almannatryggingar nr. 67/1971 með áorðnum breytingum skulu hækka um 9% frá 1. nóv. 1976 frá því sem þær voru í okt. 1976. Greiðslur samkvæmt 73. gr. skulu breytast með sama hætti.

Hámark tekjutryggingar (uppbót á lífeyri) samkvæmt 1. mgr. 19. gr. skal hækka um 9% frá sama tíma. Skertar tekjutryggingar umreiknast samkvæmt því.

## 2. gr.

Reglugerð þessi er sett samkvæmt 78. gr. laga nr. 67/1971.

*Heilbrigðis- og tryggingamálaráðuneytið, 26. október 1976.*

**Matthías Bjarnason.**

*Páll Sigurðsson.*

**AUGLÝSING****um staðfestingu sjávarútvegsráðuneytisins á verðgrundvelli á freðfiski fyrir framleiðslutímabilið 1. október til 31. desember 1976.**

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs fiskiðnaðarins, hefur ráðuneytið staðfest eftirfarandi verðgrundvöll á freðfiski fyrir framleiðslutímabilið 1. október til 31. desember 1976:

**Þorskur:**

4 × 14 m/r interl. ....	163.60
4 × 14 r/1 og 8 × 7 r/1 ....	173.13
10 × 5, 3 × 18 og 4 × 12 ....	210.07
5 × 10 ....	215.98

Ísl. kr. á lb. Cif.